

Na osnovu člana 90. Zakona o javnim nabavkama ("Službeni glasnik BiH" bL 39/14), nakon provedenog postupka direktnog sporazuma nabavke i Odluke dekana o direktnom sporazumu za nabavku usluga: „Studentske, stručne i druge ekskurzije u organizaciji Građevinskog fakulteta“ za 2019.godinu broj: 04-1-37-29-5/19. od 25.02.2019.godine

Građevinski fakultet u Sarajevu, Ul. Patriotske lige 30, Sarajevo, ID: 4200287770000, kojeg zastupa dekan: prof.dr Samir Dolarević, dipl.inž.građ. i (u daljem tekstu: **Naručilac usluga**)

i
„Centrotrans Eurolines“ d.d. Sarajevo, Ul. Kurta Schorka br. 14, Sarajevo, ID: 4200153220003, kojeg zastupa direktor Safudin Čengiđ, (u daljem tekstu: **Izvršilac usluga**)

dana 26.02.2019. godine, zaključili su

UGOVOR

o pružanju usluga studentske, stručne i druge ekskurzije

Predmet ugovora

Član 1.

Predmet ovog Ugovora je nabavka usluga: „Studentske, stručne i druge ekskurzije u organizaciji Građevinskog fakulteta“ za 2019.godinu (*Plan JN GF za 2019. Usluge-12*), JRJN: 60100000-9, a prema Odluci Naručioca usluga o pokretanju postupka javne nabavke usluga br. 04-1-37-29-1/19. od 15.02.2019. godine, Zahtjevu za dostavljanje ponuda br. 04-1-37-29-2/19. od 20.02.2019. godine i Ponudi Izvršioca usluga broj 119/2019 / SP / AB od 21.02.2019.godine, evidentirana kod ugovornog organa pod brojem: 04-1-37-29-3/19. od 21.02.2019.godine, koja je sastavni dio ovog Ugovora.

Član 2.

Usluge iz člana 1. ovog Ugovora obuhvataju usluge predviđene Ponudom Izvršioca usluga broj 119/2019 / SP / AB od 21.02.2019.godine, evidentirana kod ugovornog organa pod brojem: 04-1-37-29-3/19. od 21.02.2019.godine:
- usluge prijevoza studenata na relaciji Sarajevo – Kakanj - Breza – Kakanj –Sarajevo
- usluge prijevoza studenata na relaciji Sarajevo – Odžak (Svilaj) –Sarajevo

Član 3.

Ukupna cijena za predmetne usluge iznosi 2.100,00 KM (dvijehiljadestotinu KM) sa PDV-om.

Član 4.

Ugovorne strane saglasne su da će se plaćanja izvršiti nakon izvršene usluge, na osnovu ispostavljenog predračuna ili računa od strane Izvršioca usluge.
Naručilac se obavezuje platiti fakture u zakonskom roku.

Prava i obaveze ugovornih strana

Član 5.

Izvršilac usluge se obavezuje da će usluge navedene u članu 2. ovog Ugovora obavljati savjesno, stručno i kvalitetno u skladu sa zahtjevima Naručioca usluga, odredbama ovog Ugovora, te zakonskim propisima i pravilima struke.

U slučaju neadekvatnog obavljanja ugovorenih usluga od strane osoblja Izvršioca usluga, Naručilac usluga ima pravo zatražiti drugu osobu za izvršenje tih usluga, a Izvršilac usluge se obavezuje tom zahtjevu odmah udovoljiti.

Član 6.

Izvršilac usluge se obavezuje obaviti ugovorene usluge u dogovorenim terminima predviđene Ponudom Izvršioca usluga broj 119/2019 / SP / AB od 21.02.2019.godine, evidentirana kod ugovornog organa pod brojem: 04-1-37-29-3/19. od 21.02.2019.godine.

Prelazne i završne odredbe

Član 7.

Ovaj Ugovor vrijedi do izvršenja ugovorenih usluga.

Ugovorne strane mogu sporazumno raskinuti ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza.

Otkaz se daje u pisanom obliku i predaje se drugoj ugovornoj strani neposredno uz potpis ili poštom preporučeno.

U slučaju jednostranog raskida, Izvršilac usluga ima pravo naplatiti obavljene usluge prevoza do dana isteka otkaznog roka.

Član 8.

Na sve što nije regulisano ovim Ugovorom primjenjuje se Zakon o obligacionim odnosima.

Ugovorne strane su saglasne da će eventualne sporove u pogledu primjene odredaba ovog Ugovora riješiti sporazumno, a ukoliko to ne bude moguće, nadležan je Općinski sud u Sarajevu.

Član 9.


Ovaj ugovor je sačinjen u četiri (4) istovjetna primjeraka, od kojih svaka ugovorna strana zadržava po dva (2) primjerka ugovora.

Član 10.

Ugovorne strane svojim potpisom potvrđuju da je u odredbama ovog ugovora sadržana njihova stvarna volja, te u znak prihvatanja prava i obaveza koja iz ugovora proizilaze isti potpisuju.

Izvršilac usluga:

„Centrotrans Eurolines“ d.d. Sarajevo
direktor
Safudin Čengić



Naručilac usluga:

Građevinski fakultet u Sarajevu

dekan
prof.dr. Samir Dolarević, dipl.inž.građ.



Broj: 1/1499/19

Datum: 06.03.2019

Broj: 04-1-37-29-7/19

Datum: 06.03.2019

Zdravko Jurić
[Signature]